

**O avrikidňipen  
andre la samospravakere organi le forengere gavengere**

**Informacija vaš o voličis**

**I**

Datumos the časos, kana o avrikidňipen ačhel

O avrikidňipen andro organi le samospravnone krajengere ačhel

**sombatone andro d'ives 10. novembbris 2018 le 7:00 orendar dži 22:00 ori**

**II**

O čačipen te kidel avri

O čačipen kaj te kidel avri andre la samospravakere organi le forengere gavengere hin le bešutnes, so les hin permanentno bešiben andro foros gav u najnasigeder andro d'ives, kana o avrikidňipen ačhel, dochudela 18 berš.

Kana le dženes nane čačipen kaj te kidel avri te leskeri osobno sloboda hin odcirdl'i le zakonostar, bo kampel te arakhel o sakonedženengero (verejno) sast'ipen.

**III**

O čačipen te ačhel avrikidno

Sar poslancos le foroskere gaveskere (foroskere) ačhad'ipnaskero andro angluno foros la Slovenskona republikakero Bratislava the andro foros Košice le thaneskere ačhad'ipnaskero šaj ačhel avrikidno o bešutno le foroskero gaveskero, so les hin permanentno bešiben andro foros gav, kaj jov kandidinel u najnasigeder andro d'ives, kana o avrikidňipen ačhel, dochudela 18 berš.

Sar šeralo (starostas) primatoris le foroskero, šeralo le foroskere kotereskero šaj ačhel avrikidno o bešutno le foroskero gaveskero, so les hin permanentno bešiben andro foros gav, u najnasigeder andro d'ives, kana o avrikidňipen ačhel, dochudela 25 berš.

Kana le dženes nane čačipen kaj te ačhel avrikidno:

- kana o dženo hin andre bertena (ov chudňa o trestos, hoj leske odile leskeri sloboda),
- o dženo ačhil'a pravomocnones odsudzimen vaš o oda, hoj jov džanindos kerd'a varesavo trestno keriben, te kada, hoj les odsudzinde, na ačhil'a zaučhardo,
- le dženeske odcircle e zor kaj te te kerel pravna keribena.

**IV**

Sar te del hlasos

O voličis šaj kidel avri ča andro foros gav kaj permanentnones bešel, andro avrikidňipnaskero okrskos, kaj hino zapisimen andre le voličengero soznamos.

O voličis musaj, kana avel andro avrikidňipnaskero kher, te presikhavel la okrskovona komisijke leskeri identita pal kada, hoj anglethovel leskero občiansko preukazis abo o doklados pal o bešiben vaš o avrethemeskero.

Paľis e okrskovona avrikidňipnaskeri komisija zakerekina o šoroskero numeros le voličeskeri andre le voličengero soznamos the dela avri le voličes duj avrikidňipnaskere kartki - e avrikidňipnaskeri kartka vaš o avrikidňipen andre le foroskero gaveskero (foroskero) ačhad'ipen the e avrikidňipnaskeri kartka vaš o avrikidňipen le starostaskero (primatoriskero le foroskero) the čuči kopertka pre savi hiňi uradno pečiatka le foroskeri gaveskeri (le foroskeri).

**O voličis potvrdzinel, hoj reš'as o avrikidňipnaskere kartki andre le voličengero soznamos leskere vlastnovasteskere podpisoha.**

Sako voličis musaj anglo avrikidňipen te džal andro osobitno than, kaj pes pririchtinen o avrikidňipnaskere kartki. Le voličiske, so na džala andro osobitno than, kaj pes prikeren o avrikidňipnaskere kartki, e okrskovo avrikidňipnaskeri komisija nadomukhela te del hlasos.

**Pre avrikidňipnaskeri kartka vaš o avrikidňipen le bičhadengero le obecnone (foroskere) ačhad'ipnaskero šaj o voličis zakereknel najbuter ajci šoroskere čisli le kandidatengere, keci bičhade hin te ačhel avrikidne andro prislušno avrikidňipnaskero obvodos.(Keci bičhade pes kiden avri andro avrikidňipnaskero obvodos, hin pisimen pre avrikidňipnaskeri kartka.)**

**Pre avrikidňipnaskeri kartka vaš le starostaskero avrikidňipen andro foros gav (vaš le primatoriskero avrikidňipen andro foros) šaj o voličis zakereknel o šoroskero čislos ča jekhe kandidatoskero.**

Andro osobitno than, kaj o avrikidňipnaskere kartki pes prikeren, thovel o voličis **jejh avrikidňipnaskeri kartka** vaš o avrikidňipen andro obecno (foroskero) ačhad'ipen the **jejh avrikidňipnaskeri kartka** vaš le starostaskero avrikidňipen andro foros gav (le primatoriskero avrikidňipen andro foros).

Kana o voličis kada mangel, e okrskovo avrikidňipnaskeri komisija les dela avri vaš o namištes prikerde avrikidňipnaskere kartki aver avrikidňipnaskere kartki. O voličis thovel o namištes prikerde avrikidňipnaskere kartki andre baksica, kaj pes thoven o nachasňarde abo namištes prikerde avrikidňipnaskere kartki.

O voličis, so na birinel korkoro te prikerel e avrikidňipnaskeri kartka, bo nane sasto abo vašoda, hoj na šaj genel abo pisinel, del te džanel kada la okrskovona avrikidňipnaskera komisijke. Les hin o čačipen kaj te lel peha andro than, kaj pes prikeren o avrikidňipnaskere kartki, aver sposobilo dženo, kaj kada dženo te prikerel e avrikidňipnaskeri kartka avka, sar o voličis kamel u sar kada kampel te kerel pal o zakonos, the te thovel e kartka andre kopertka. Angloda, sar soduj džene džana andro osobitno than, kaj pes prikeren o avrikidňipnaskere kartki, o členos la okrskovona avrikidňipnaskera komisijatar len dela god'i pal kada, sar kampel te del o hlasos the pal e skutkovo podstata le trestnone keribnaskeri, so kerel kada dženo, so mosarel o kisiťimen the o prenašad'ipen le avrikidňipnaskero (príprava a priebeh volieb). La okrskovona komisijakere členi našt'i prikeren o avrikidňipnaskere kartki vaš o voliči.

O voličis, so na birinel korkoro te thovel e kopertka andre avrikidňipnaskeri baksica, bo hino nasvalo, šaj mangel, kaj varesavo aver dženo thovel e kopertka andre avrikidňipnaskeri baksica. O voličis musaj te jel pritomno paš oda, kana o aver dženo kada kerel. Le členenge la avrikidňipnaskera komisijatar al'e nane domukhlo kada te kerel.

Le voličis, so našt'i avel andro avrikidňipnaskeri kher, bo les hin bare, perše sasťipnaskere dovody, hin o čačipen te mangel o foros gav the andro d'ives, kana ačhel o avrikidňipen, e okrskovo avrikidňipnaskeri komisija, kaj te šaj del hlasos andre hordind'i avrikidňipnaskeri baksica. Kada al'e šaj ča andro phuvakero (uzemno) obvodos, andro savo hin o avrikidňipnaskero okrskos, so vaš leske e okrskovo avrikidňipnaskeri komisija kerd'il'as.

**O voličis musaj te odthovel o nachasňarde abo namištes prikerde avrikidňipnaskere kartki andre zapečat'eno baksica, kaj pes o nachasňarde abo namištes prikerde avrikidňipnaskere kartki odthoven, avreder jov kerela prestupkos u resela pokuta 33 euri.**